

16 Januari 2025

SIARAN MEDIA
Untuk Siaran Segera



GENJATAN SENJATA DI GAZA: LANGKAH KE ARAH KEAMANAN

Islamic Relief Malaysia menyambut baik pengumuman genjatan senjata di Gaza sebagai satu langkah ke arah menghentikan konflik yang telah mengakibatkan penderitaan berpanjangan kepada penduduk Palestin.

Konflik ini telah meragut banyak nyawa, menghancurkan infrastruktur, dan menyebabkan kehilangan tempat tinggal yang besar.

Sebagai sebuah organisasi kemanusiaan global, kami menegaskan bahawa keamanan yang berkekalan adalah kunci untuk membolehkan usaha bantuan dapat disalurkan secara efektif dan berterusan kepada mereka yang memerlukan.

Islamic Relief Malaysia menggesa semua pihak yang terlibat untuk mematuhi perjanjian ini dan menghormati hak asasi setiap individu tanpa diskriminasi.

Kami juga ingin menyeru masyarakat antarabangsa agar terus memberi tekanan untuk mengekalkan keamanan sejagat dan mengambil tindakan bersepadu bagi menyokong usaha pemulihan jangka panjang di Gaza.

Islamic Relief Malaysia terus komited menyampaikan bantuan kemanusiaan kepada penduduk Gaza, termasuk sokongan makanan, perubatan, air bersih, dan psikososial. Kami percaya bahawa dengan solidariti dan usaha kolektif, kita dapat membantu membina semula kehidupan mereka yang terjejas dan memberi harapan kepada mereka untuk masa depan yang lebih baik.

Bersama-sama kita menyokong usaha ini melalui doa, sumbangan, dan kesedaran. Semoga keamanan yang dicapai ini menjadi langkah awal ke arah penyelesaian yang menyeluruh dan adil bagi rakyat Palestin.

Orang ramai berpeluang untuk membantu penduduk Gaza dengan menyumbang terus ke kempen Rayuan Palestin di laman web; www.islamic-relief.org.my atau hubungi 03-8926 3434 untuk mendapatkan maklumat lanjut.

-TAMAT-

Mengenai Islamic Relief

Islamic Relief merupakan sebuah organisasi kemanusiaan antarabangsa yang ditubuhkan pada tahun 1984 sebagai tindak balas terhadap isu kebuluran di Afrika Timur. Ibu pejabat Islamic Relief terletak di Birmingham, United Kingdom. Islamic Relief beroperasi di lebih 40 buah negara dan telah membantu lebih daripada 145 juta orang. Kini, Islamic Relief Worldwide merupakan antara salah satu badan amal dan pembangunan terbesar di dunia.

Mengenai Islamic Relief Malaysia

Islamic Relief Malaysia telah beroperasi sejak 2004, bertujuan untuk meneruskan bantuan kemanusiaan Islamic Relief di rantau Asia-Pasifik. Kini, Islamic Relief Malaysia berperanan sebagai pejabat penjana dana dan pelaksana projek tempatan dan antarabangsa.

Maklumat lanjut mengenai Islamic Relief Malaysia boleh diperoleh di www.islamic-relief.org.my

*Dikeluarkan oleh: Komunikasi Strategik, Pejabat KPE Islamic Relief Malaysia.
Untuk keterangan lanjut, hubungi Sis Zafirah di talian 019-220 1788 atau e-mel ke Zafirah.Zahari@islamic-relief.org.my*
